

ԱՐՁԱՆԱԳՐՈՒԹՅՈՒՆ ԹԻՎ 63

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ ՄԱՍՆԱՃՅՈՒՂԻ
ԳԻՏԱԿԱՆ ԽՈՐՀՐԴԻ ՆԻՍՏԻ**

26-ը նոյեմբերի 2022թ.

Նիստին ներկա էր գիտական խորհրդի 35 անդամներից 31-ը, որից 3-ը ZOOM-ի միջոցով:

Նիստը վարում էր գիտական խորհրդի նախագահ Ա. Հ. Մակարյանը, նիստի քարտուղարն էր Մ. Ս. Աթոյանը:

Ա. Հ. Մակարյանը, բացելով գիտական խորհրդի նիստը, հայտարարեց քվեակազմի առկայության մասին և քվեարկության դրեց նիստի օրակարգը: Ա. Մակարյանը նշեց, որ «ԵՊՀ ԻՄ 2017-2022թթ. գործունեության գնահատման առանցքային ցուցանիշների ներկայացում» հարցը տեղափոխվել է հաջորդ նիստ՝ զեկուցող Մ. Ճաղարյանի հիվանդ լինելու պատճառով:

Օ Ր Ա Կ Ա Ր Գ

1. ԵՊՀ ԻՄ-ի արտաքին շահակիցների 2021-2022թ. կարծիքների ուսումնասիրությունը շրջանավարտների վերաբերյալ:

/ Չեկուցող Արտաքին կապերի բաժնի մասնագետ **Ա. Մարգարյան** /

2. ԵՊՀ ԻՄ-ի 2023թ. եկամուտների և ծախսերի նախահաշվի (բյուջե) մասին:

/ Չեկուցող Գլխավոր հաշվապահ **Մ. Մխիթարյան** /

3. Հաղորդում ԵՊՀ ԻՄ 2022թ.-ի ընդունելության արդյունքների մասին (առկա և հեռակա ուսուցում):

/ Չեկուցող ԵՊՀ ԻՄ տնօրեն **Ա. Մակարյան** /

4. ԵՊՀ ԻՄ բակալավրի կրթական ծրագրերի շրջանավարտների ընդհանրական կոմպետենցիաների պարտադիր կազմը հաստատելու մասին:

/Չեկուցող ԿԲԴՎ բաժնի վարիչ **Ն. Գրիգորյան**/

5. Ընթացիկ հարցեր

5.1. «Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի

կազմակերպման և անցկացման կարգը հաստատելու մասին:

/Զեկուցող Գիտական քարտուղար Մ. Աթոյան/

5.2. «Երևանի պետական համալսարան» հիմնադրամի Իջևանի մասնաճյուղի «Տարվա ուսանող» ամենամյա մրցույթի կազմակերպման և անցկացման կարգը հաստատելու մասին:

/Զեկուցող Գիտական քարտուղար Մ. Աթոյան/

Բաց քվեարկությամբ՝ 30 կողմ, 0 դեմ, 0 ձեռնպահ համամասնությամբ որոշվեց

ՈՐՈՇՈՒՄ

➤ Հաստատել նիստի օրակարգը:

Օրակարգի առաջին` «ԵՊՀ ԻՄ-ի արտաքին շահակիցների 2021-2022թ. կարծիքների ուսումնասիրությունը շրջանավարտների վերաբերյալ» հարցի հետ կապված լսեցին ԵՊՀ ԻՄ-ի արտաքին կապերի բաժնի մասնագետ **Ա. Սարգսյանի** հաղորդումը:

Նա նշեց, որ վերջին 5 տարիներին հարցումն իրականացվում է առցանց, անանուն, հարցմանը մասնակցում են մարզի գործատու կազմակերպությունների՝ հիմնականում բանկերի, դպրոցների, հյուրատների, հասարակական կազմակերպությունների, տեղական ինքնակառավարման մարմինների ղեկավարները: 2022 թ.-ին իրականացված հերթական ուսումնասիրության համար էլեկտրոնային հարցաթերթ ուղարկվել է 137 գործատուի, արձագանքել են ընդամենը 73-ը (53%-ը): Կարևոր է նշել նաև այն փաստը, որը հարցման մասնակիցների քանակը վերջին տարիներին ավելացել է, ինչը վկայում է, որ նրանք շահագրգռված են Մասնաճյուղի կրթական գործունեությամբ: Ուսումնասիրության նպատակն էր պարզել արտաքին շահակիցների կարծիքը Մասնաճյուղի շրջանավարտների մասնագիտական և անձնային որակների վերաբերյալ:

Նշվեց, որ հետազոտության արդյունքներն ընդհանուր առմամբ գոհացնող են, ինչը փաստում է, որ Մասնաճյուղը կատարում է իր առջև դրված գլխավոր ռազմավարական խնդիրները: Նշվեց նաև, որ վերջին 3 տարիների համեմատ շահակիցների տված գնահատականների միջինը էապես չի փոփոխվել:

Օրինակ, մեր շրջանավարտների տեսական գիտելիքների իմացությանը **4 և 5 գնահատականներ** են տվել հարցմանը մասնակցած շահակիցներից 78.1%-ը, մասնագիտական պատրաստվածությանը՝ 76.7%-ը, որը մյուս որակների համեմատ բարձր ցուցանիշն է, սակայն պետք է նշել, որ մեր շրջանավարտների գործնական հմտությունների (միջին գնահատականը՝ 3.71) և մասնագիտական խոսքը (միջին գնահատականը՝ 3.87) համեմատաբար ցածր են գնահատվել մեր շահակիցների կողմից:

Գործատուների 61.7%-ը մեր շրջանավարտների քննադատական-վերլուծական կարողությունները գնահատել են 4 և 5 գնահատականներով, իսկ 65.7%-ը գտնում են, որ մեր շրջանավարտները կարողանում են արագ և ճիշտ կողմնորոշվել տարբեր գործնական իրավիճակներում. այս գնահատականները բավականին գոհացնող են: Անձնային և մարդկային որակներին տրված միջին գնահատականները նախորդ ցուցանիշների համեմատ էապես բարձր են և գերազանցում են 4-ը (մասնավորապես, վարվեցողության կանոններին և էթիկայի նորմերի միջին գնահատականը 4.12 է, իսկ աշխատանքային պատասխանատվությանը՝ 4.13): Այս տարվա հարցումների արդյունքում մեր շրջանավարտների տեղեկատվական տեխնոլոգիաներով աշխատելու հմտությունների միջին գնահատականը աճել է հասնելով 4.09: Հարցման մասնակիցների 71,2%-ը մեր շրջանավարտների ինքնագարգացման ձգտումը գնահատել է 4 և 5 գնահատականներով: Հարցմանը մասնակիցների 86,3%-ը իրենց կազմակերպությունում Մասնաճյուղի հեղինակությունը գնահատել են 4 և 5 գնահատականներով: Նշենք, որ այդ ցուցանիշը վերջի տարվա համեմատ աճել է :

Այն հարցին, թե խորհուրդ կտան մեր շահակիցներն իրենց մերձավորներին և ընկերներին դիմել ԵՊՀ ԻՄ, դրական է պատասխանել հարցման մասնակիցներից 67-ը (91,8%-ը), այս ցուցանիշը աճել է նախորդ տարիների համեմատ, ինչը բավականին լավ արդյունք է:

Հարցումները ցույց են տվել, որ տարածաշրջանում շատ է բնագիտական առարկաների՝ քիմիայի, կենսաբանության, ֆիզիկայի ուսուցիչների, ինչպես նաև աշխարհագրության ուսուցչի պահանջը, շահակիցների կողմից մշտապես բարձրաձայնվում է նախնական զինվորական պատրաստության ուսուցիչներ

պատրաստելու հարցը, նաև ՏՏ ոլորտի ժամանակակից մասնագիտությունների իրականացումը: Հարցումից եզրակացնում ենք, որ իրավաբանության և իրավագիտության պահանջարկը ևս բարձր է:

Ա. Սարգսյանը նշեց նաև, որ *«Խնդրում ենք նշել ԵՊՀ ԻՄ-ի շրջանավարտների երեք ուժեղ կողմերը»* հարցի համար ստացվել են հետևյալ պատասխանները.

- Գիտելիքների բազա, սովորելու ձգտում, դիպլոմ,
- Մասնագիտական հմտությունները, արագ կողմնորոշման և նոր տեխնոլոգիաներին տիրապետելու հմտությունները,
- Պատրաստվածություն, խոսքի զարգացում, թիմային աշխատանք,
- վարվեցողություն, աշխատասիրություն,ակտիվություն,
- Համարձակությունը, նոր տեխնոլոգիաներին տիրապետումը, փոփոխություններին հեշտ հարմարվելը:

«Խնդրում ենք նշել ԵՊՀ ԻՄ-ի շրջանավարտների երեք թույլ կողմերը» հարցին շահակիցները նշել են գործնական հմտությունների պակաս, ինքնակատարելագործման ձգտումը, ՏՀՏ-ին տիրապետելու թույլ հմտություններ, քննադատական-վերլուծական կարողությունները, մասնագիտական գիտելիքների պակաս, հասարակական պասիվություն, թույլ զարգացած խոսք և միտք:

Ա. Սարգսյանի հաղորդումը ամբողջական կարող էք տեսնել **հավելված 1 ում**:

Արտահայտվեցին՝ ԵՊՀ ԻՄ տնօրեն Ա.Մակարյանը, փոխտնօրեն Մ. Օթարյանը, Տուրիզմի կառավարման և մշակութաբանության ամբիոնի վարիչ ա.գ.թ., դոցենտ Գ. Հովհաննիսյանը, Ընդհանուր մաթեմատիկայի և բնագիտության ամբիոնի վարիչ ք.գ.թ., դոցենտ Գ. Միմոնյանը, Ընդհանուր տնտեսագիտության ամբիոնի վարիչ տ.գ.դ. պրոֆեսոր Մ. Միքայելյանը, ԿԲԴՎ բաժնի վարիչ, պ.գ.թ., դոցենտ Ն. Գրիգորյանը և այլոք:

Մասնավորապես, Ա. Մակարյանը նշեց, որ հակասություններ կան ուժեղ և թույլ կողմերի նշման մեջ, անհրաժեշտ է պարզել ինչու է այդպես, արդյոք դրանք վերաբերվում են տարբեր մասնագիտություններին, թե տարբեր մարդկանց, անհրաժեշտ է ՄԿՈԱ բաժնի հետ միասին պատրաստել հարցման անձնագրեր, որպեսզի հարցումների արդյունքները ավելի հիմնավոր լինեն:

Գ. Հովհաննիսյանը նշեց, որ աշխատանքները պետք է լինեն առավել ուղղորդված, անհրաժեշտ է ձևակերպել ֆոկուս խմբեր հարցվողների հետ պատկերը առավել հստակեցնելու համար:

Մ. Միքայելյանը նշեց, որ հնարավոր չէ պրակտիկայի ժամանակ լիարժեք գործնական հստություններ ստանալ:

Ն. Գրիգորյանը նշեց, որ կրթական ծրագրերի մշակման գործում կաշխատենք գործատուների հետ հնարավորինս գործակցել:

Առաջարկվեց արդյունքներն ուղարկել ամբիոններ և ուսումնական գործընթացի հետ կապված բոլոր ստորաբաժանումներ՝ առաջարկություններ ներկայացնելու նպատակով:

Բաց քվեարկությամբ՝ 31 կողմ, 0 դեմ, 0 ձեռնպահ, **որոշվեց.**

➤ Ընդունել ի գիտություն

Օրակարգի երկրորդ՝ «ԵՊՀ ԻՄ-ի 2023թ. եկամուտների և ծախսերի նախահաշվի (բյուջե) մասին» հարցի վերաբերյալ լսեցին ԵՊՀ ԻՄ-ի գլխավոր հաշվապահ **Մ. Մխիթարյանի** հաղորդումը:

Նա նշեց, որ նախահաշիվը կազմվել է հաշվի առնելով կատարված ծախսերը, ներառյալ այս ամիս: Նշվեց, որ այս տարվա բուջեն նախորդ տարվա բուջեի պես դեֆիցիտով է, սակայն հնարավոր է խնայողությունների հաշվին լավ դուրս գալ: Նշվեց, որ դեֆիցիտը պայմանավորված է անհետաձգելի հարցերով կապված ընթացիկ ռազմավարական ծրագրի իրականացման հետ. օրինակ՝ նախատեսված է աշխատավարձերի բարձրացում 10 տոկոս, որը փոքր թիվ չէ կազմում: Այս տարի նախատեսվել է դասախոսական կազմի տեղափոխման համար ձեռք բերել նոր միկրոավտոբուս՝ եղածները հին են և հաճախակի են փչանում, ձմռանը ուղևորները մրսում են: Ավելացել են այլ եկամուտները, այս տարի քչացել են ավանդից եկող եկամուտները (ավանդի տոկոսադրույքը փոփոխական է, այս տարի նվազել է): Աճել է ֆիքսված պարզևավճարների տողը: Բակը վերանորոգելու համար նախատեսվել է 4 մլն դրամ (Նախահաշվի նախագիծը կարող էք տեսնել **հավելված 2-ում**):

Արտահայտվեցին՝ ԵՊՀ ԻՄ տնօրեն Ա. Մակարյանը, փոխտնօրեն Մ. Օթարյանը և այլք:

Մասնավորապես Մ. Օթարյանը նշեց, որ անհրաժեշտ է հատկացնել լրացուցիչ միջոցներ բարելավվելու ԵՊՀ ԻՄ-ի սանհանգույցների վիճակը, տեղադրելով տարբեր տեսակի սարքավորումներ, իսկ ԵՊՀ ԻՄ տնօրեն Ա. Մակարյանը համաձայնեց Մ. Օթարյանի առաջարկի հետ և առաջարկեց նախահաշվում ավելացնել այդ ծախսերը:

Բաց քվեարկությամբ՝ 29 կողմ, 0 դեմ, 0 ձեռնպահ, *որոշվեց*

ՈՐՈՇՈՒՄ N 63/1

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 11-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 11-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

- 1 Հավանություն տալ Երևանի պետական համալսարանի Իջևանի մասնաճյուղի 2023 թվականի եկամուտների և ծախսերի տարեկան նախահաշվի նախագծին համաձայն հավելված 2-ի:
- 2 Երևանի պետական համալսարանի Իջևանի մասնաճյուղի 2023 թվականի եկամուտների և ծախսերի տարեկան նախահաշվը ներկայացնել ԵՊՀ հաստատման:

Օրակարգի երրորդ՝ «Հաղորդում ԵՊՀ ԻՄ 2022թ.-ի ընդունելության արդյունքների մասին (առկա և հեռակա ուսուցում)» հարցի մասին լսեցին ԵՊՀ ԻՄ տնօրեն Ա. Մակարյանի հաղորդումը:

Նա մասնավորապես նշեց, որ 2022թ. ընդունելության արդյունքների (առկա և հեռակա ուսուցում) ցուցանիշը 40 հոգով գերազանցում է նախորդ տարվա ցուցանիշին: 2022թ. ԵՊՀ ԻՄ ընդունված առաջին կուրսեցիների և ՄՄՈՒՀ-ից ԵՊՀ ԻՄ-ում ուսումնառությունը շարունակողների ընդհանուր թիվը 270 է, որից բակալավրիատի առկա ուսուցմամբ առաջին կուրսեցիների թիվը՝ 182, հեռակա ուսուցմամբ առաջին կուրսեցիների թիվը՝ 45, ՄՄՈՒՀ-ից ուսումնառությունը շարունակողների թիվը՝ 29, մագիստրատուրա (հեռակա ուսուցմամբ)

ընդունվածների թիվը՝ 14: Ա. Մակարյանը, նշեց, նաև, որ Մասնաճյուղը ընդունվածների հիմնական մասը Տավուշի մարզի բնակիչներ են:

Այնուհետև Ա. Մակարյանը մանրամասն ներկայացրեց, թե ինչպիսի խմբեր են ձևավորվել: (ԵՊՀ ԻՄ ուսանողական համակազմը /25.11.2022թ/ կարող էք տեսնել հավելված 3-ում):

Այնուհետև Ա. Մակարյանը շնորհակալություն հայտնեց այն աշխատակիցներին, ովքեր իրենց աշխատանքով նպաստել են Մասնաճյուղի ուսանողական համակազմի թվաքանակի աճին, և հույս հայտնեց որ աճը կպահպանվի նաև հետագայում:

Բաց քվեարկությամբ՝ 29 կողմ, 0 դեմ, 0 ձեռնպահ, **որոշվեց**

ՈՐՈՇՈՒՄ

➤ Ընդունել ի գիտություն:

Օրակարգի չորրորդ` «ԵՊՀ ԻՄ բակալավրի կրթական ծրագրերի շրջանավարտների ընդհանրական կոմպետենցիաների պարտադիր կազմը հաստատելու մասին» հարցի վերաբերյալ լսեցին ԵՊՀ ԻՄ ԿԲԴՎ բաժնի վարիչ **Ն. Գրիգորյանի** հաղորդումը:

Ն. Գրիգորյանը նշեց, որ ԵՊՀ ԻՄ 2022-2026թթ. զարգացման ռազմավարական ծրագրի 1-ին նպատակի 1.2.3. «Մշակել և կրթական ծրագրերում ներդնել ԵՊՀ ԻՄ-ի բակալավրիատի և մագիստրատուրայի շրջանավարտների ընդհանրական կոմպետենցիաների պարտադիր կազմ» խնդրի իրականացման հանձնառությունից ելնելով՝ Կրթական բարեփոխումների և դասախոսների վերապատրաստման բաժինը մշակել է շրջանավարտների ընդհանրական կոմպետենցիաների պարտադիր կազմը՝ տես **հավելված 4**: Ն. Գրիգորյանը նշեց, որ սրանք մեր բուհի կողմից խոստացվող կոմպետենցիաներն են բոլոր կրթական ծրագրերի համար և բավականաչափ ընդհանրական են: Նա նշեց, որ կոմպետենցիաները քննարկվել են կրթական ծրագրերի ղեկավարների հետ, քննարկվել է որակի ապահովման մշտական հանձնաժողովում և կան կրթական ծրագրեր, որտեղ արդեն ներդրվել են:

Արտահայտվեցին՝ ԵՊՀ ԻՄ տնօրեն Ա. Մակարյանը, փոխտնօրեն Մ. Օթարյանը, Տուրիզմի կառավարման և մշակութաբանության ամբիոնի վարիչ ա.գ.թ., դոցենտ Գ. Հովհաննիսյանը, և այլոք:

Մասնավորապես արտահայտվողները նշեցին, որ առաջարկվող նախագիծը բավականին երկար ժամանակ քննարկվել է ԵՊՀ ԻՄ-ում, և խմբագրումների կարիք չունի:

Բաց քվեարկությամբ՝ 29 կողմ, 0 դեմ, 0 ձեռնպահ, **որոշվեց**

ՈՐՈՇՈՒՄ N 63/2

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 4-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել Երևանի պետական համալսարանի Իջևանի մասնաճյուղի բակալավրի շրջանավարտների ընդհանրական կոմպետենցիաների պարտադիր կազմը՝ համաձայն հավելված 4-ի:
2. Որոշումն ուժի մեջ է մտնում ընդունման պահից:

Ընթացիկ հարցեր:

5.1.Լսեցին ««Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի կազմակերպման և անցկացման կարգը հաստատելու մասին» հարցի վերաբերյալ ԵՊՀ ԻՄ-ի գիտական քարտուղար **Մ. Աթոյանի** հաղորդումը:

Նա նշեց, որ սույն կարգը մշակվել է ԵՊՀ ԻՄ-ի 2022-2026 ՌԾ-ի «2.2.5. Մահմանել ամենամյա մրցանակներ «Տարվա դասախոս» գոծողության հանձնառությունից ելնելով: Մ. Աթոյանը նշեց, որ սույն կարգը գրվել է ԵՊՀ համապատասխան կարգի հիման վրա, սույն մրցույթի կազմակերպման նպատակն է նպաստել դասավանդման մեթոդների կատարելագործմանը, արդի մեթոդների կիրառմանը և լավագույն փորձի տարածմանը, մրցույթը կազմակերպվում և անցկացվում է տարեկան մեկ անգամ 4 անվանակարգերում, կարող են մասնակցել

ԵՊՀ ԻՄ-ում դասավանդողները, ովքեր տվյալ ուսումնական տարվա ընթացքում ԵՊՀ ԻՄ-ում դասավանդում են առնվազն 2 մասնագիտական դասընթաց: Մրցույթն ունի երկու բաղադրիչ՝ մրցանակակիրների ընտրություն և դասընթացների տեսաձայնագրում՝ լավագույն փորձի տարածման նպատակով: Մրցույթի անցկացման պայմանների և թեկնածուների առաջադրման մասին տեղեկատվությունը համապատասխան հանձնաժողովը հայտարարում է մինչև ընթացիկ ուսումնական տարվա մարտի 1-ը: Թեկնածուների առաջադրումն իրականացվում է համապատասխան հայտերի միջոցով՝ էլեկտրոնային (առցանց) ձևաչափով (դիմում-հայտի ձևը հաստատվում է Հանձնաժողովի կողմից), իսկ հայտերի ներկայացման վերջնաժամկետն է ընթացիկ տարվա մարտի 31-ը: Առաջարկվող նախագիծը կարող էք տեսնել **հավելված 5-ում**:

Արտահայտվեցին՝ ԵՊՀ ԻՄ տնօրենի պաշտոնակատար Ա.Մակարյանը, փոխտնօրեն Մ. Օթարյանը, Տուրիզմի կառավարման և մշակութաբանության ամբիոնի վարիչ ա.գ.թ., դոցենտ Գ. Հովհաննիսյանը, Ընդհանուր մաթեմատիկայի և բնագիտության ամբիոնի վարիչ ք.գ.թ., դոցենտ Գ. Միմոնյանը, Ընդհանուր տնտեսագիտության ամբիոնի վարիչ տ.գ.դ. պրոֆեսոր Մ. Միքայելյանը, ԿԲԴՎ բաժնի վարիչ, պ.գ.թ., դոցենտ Ն. Գրիգորյանը և այլոք:

Մասնավորապես առաջարկվեց.

- Միաձև դարձնել մանսնաճյուղի բոլոր կարգերը,
- կարգերի փոփոխության կարգը դնել փաստաթղթի վերջում, որտեղ պետք է գրվի ովքեր կարող են կարգում փոփոխություններ առաջարկել,
- Մրցութային հանձնաժողովը կազմված լինի 7 հոգուց, և կազմը առաջարկվի ֆակուլտետի գիտական խորհրդի կողմից,
- 11-րդ կետում – արտահերթ նիստի մասին տեղեկացվի առնվազն 1 օր առաջ, ոչ թե 1 ժամ,
- 12-րդ կետում – հանձնաժողովի անդամների համար նախատեսել առցանց մասնակցություն,
- 12-րդ կետում – անդամները տեղեկացվեն և հեռախոսով, և հաղորդագրությամբ,
- 12 –րդ կետում - Նիստերը պետք է պարտադիր արձանագրվեն,

- 16-րդ կետում հստակեցնել «թեկնածուի ուսանողների գնահատականներ» արտահայտությունը,
- 11-րդ կետում «ոչ ուշ, քան» արտահայտությունից հետո ավելացնել «նիստից» բառը,
- 12-րդ կետում 1-ին նախադասությունից հետո ավելացնել «Անհնարության դեպքում Հանձնաժողովի անդամը (անդամները) նիստին կարող են մասնակցել հեռավար»:

Այնուհետև ԵՊՀ ԻՄ տնօրեն Ա. Մակարյանը առաջարկեց, հանձնարարել գիտքարտուղարին կատարել առաջարկված փոփոխությունները և կարգը հաստատել ներկայացված փոփոխություններով հանդերձ:

Բաց քվեարկությամբ՝ 28 կողմ, 0 դեմ, 0 ձեռնպահ, **որոշվեց**

ՈՐՈՇՈՒՄ N 63/3

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 21-րդ կետի 4-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի կանոնակարգի 4-րդ կետի 4-րդ ենթակետով «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղում «Դասավանդման գերազանցության մրցանակ» ամենամյա մրցույթի կազմակերպման և անցկացման կարգը՝ համաձայն հավելված 5-ի:
2. Որոշումն ուժի մեջ է մտնում ընդունման պահից:

5.2 Լսեցին «Երևանի պետական համալսարան» հիմնադրամի Իջևանի մասնաճյուղի «Տարվա ուսանող» ամենամյա մրցույթի կազմակերպման և անցկացման կարգը հաստատելու մասին» հարցի վերաբերյալ ԵՊՀ ԻՄ գիտական քարտուղար **Մ. Աթոյանի** հաղորդումը:

Նա մասնավորապես նշեց, որ մրցույթի նպատակն է խրախուսել Երևանի պետական համալսարանի Իջևանի մասնաճյուղի բակալավրիատում և

մագիստրատուրայում սովորող ուսանողների առաջադիմությունը և խթանել նրանց գիտական և հասարակական ակտիվությունը: Մրցույթին կարող են մասնակցել ԵՊՀ ԻՄ-ի բակալավրի բոլոր այն ուսանողները, ովքեր սովորել են առնվազն 4 կիսամյակ և ԵՊՀ ԻՄ-ի մագիստրատուրայի բոլոր այն ուսանողները, ովքեր սովորել են առնվազն 2 կիսամյակ, կազմակերպվում և անցկացվում է յուրաքանչյուր ուսումնական տարում մեկ անգամ՝ երկրորդ կիսամյակում, որի համար ստեղծվում է մրցութային հանձնաժողով: Նախագիծն ամբողջությամբ կարող էք տեսնել հավելված 6-ում:

Արտահայտվեցին՝ ԵՊՀ ԻՄ տնօրենի պաշտոնակատար Ա.Մակարյանը, փոխտնօրեն Ս. Օթարյանը, Տուրիզմի կառավարման և մշակութաբանության ամբիոնի վարիչ ա.գ.թ., դոցենտ Գ. Հովհաննիսյանը, Ընդհանուր մաթեմատիկայի և բնագիտության ամբիոնի վարիչ ք.գ.թ., դոցենտ Գ. Միմոնյանը, Ընդհանուր տնտեսագիտության ամբիոնի վարիչ տ.գ.դ. պրոֆեսոր Մ. Միքայելյանը, ԿԲԴՎ բաժնի վարիչ, պ.գ.թ., դոցենտ Ն. Գրիգորյանը, ՈԻԽ նախագահ Գ. Խաչատրյանը, ՈԻԳԸ նախագահ Անի Թիրաբյանը և այլոք:

Մասնավորապես առաջարկվեց.

- 1.4 կետը՝ փոփոխությունների կարգը տանել վերջ, որպես առանձին բաժին
- 2.6. «Մրցույթի հաղթողների վերաբերյալ Հանձնաժողովի որոշումները մինչև *մրցույթի անցկացման օրը* հրապարակման ենթակա չեն» խմբագրել հետևյալ կերպ՝ «Մրցույթի հաղթողների վերաբերյալ Հանձնաժողովի որոշումները մինչև մրցույթի արդյունքների ներկայացման օրը հրապարակման ենթակա չեն»:
- 1.2 կետը և 3.1.-ը հակասում են իրար՝ 3.1-ում չկա մագիստրոսի վերաբերյալ մասը
- 3.3. կարծում ենք պետք է նշվի ըստ Հավելված 1-ի, ոչ թե ըստ հանձնաժողովի հաստատման, հայտի ձևը կա կարգում
- 3.6 –ա/ և բ/ կետերում - ոչ թե իրենց բնութագրերը, այլ իրենց կողմից տրված
- 4.5 միջազգային օլիմպիադաների դիպլոմ - 2 միավոր քիչ է:
- 4.6.3. Ֆակուլտետի ՈԻԽ կամ ՈԻԳԸ անդամներին, ՈԻԽ համագումարի
- պատվիրակներին, ֆակուլտետի գիտական խորհրդի անդամներին տրվում է 3 միավոր:

- 4.6.5 Մշակույթի, սպորտի, արվեստի և այլ ոլորտներում նշանակալի հաջողությունների համար Հանձնաժողովի որոշմամբ կարող է տրվել մինչև 7 միավոր, իսկ բացառիկ դեպքերում՝ 10 միավոր: - գրել **առանձին կետով, կամ ենթակետով**

ԵՊՀ ԻՄ ուսանողական խորհրդի կողմից առաջարկվում է 4.9.1 և 4.9.2 կետերում կատարել լրացումներ հետևյալ ձևով.

- ԵՊՀ ԻՄ ուսանողական խորհուրդը կազմակերպելու է սեմինար-քննարկում հաղթող մասնակցի և 1-ին փուլն անցած մասնակիցների հետ՝ փորձի փոխանակման նպատակով, դրանով խրախուսելով 1-ին փուլն անցած ուսանողներին, իսկ հաղթող մասնակցին՝ հնարավորություն կտրվի տպագրել իր գիտական հոդվածը:
- ԵՊՀ ԻՄ ուսանողական խորհուրդն առաջարկում է 1-ին փուլն անցած մասնակիցների ուսման վարձի 10% զեղչ, իսկ հաղթողին՝ 20% զեղչ: Եթե ուսանողը սովորում է անվճար ուսուցման համակարգում՝ 1 կիսամյակի ընթացքում ուսման վարձի զեղչված չափով ամսական կրթաթոշակ (10% և 20%-ը սիմվոլիկ թվեր են՝ ենթակա են փոփոխման):

Այնուհետև Ա. Մակարյանը առաջարկեց կարգի հաստատումը հետաձգել հաջորդ նիստ, առկա բազմաթիվ առաջարկների պատճառով, որի ընթացքում կարգում նշված հանձնաժողովի անդամները հասցնեն ուսումնասիրեն և ներկայացնել առաջարկներ հնչեցված հարցերի վերաբերյալ:

Բաց քվեարկությամբ՝ 29 կողմ, 0 դեմ, 0 ձեռնպահ, **որոշվեց**

Որոշում

- Հանձնարարել աշխատանքային խմբին վերանայել կարգը և ներկայացնել հաստատման:

ԳԻՏԱԿԱՆ ԽՈՐՀՐԴԻ ՆԱԽԱԳԱՀ _____ Ա. Ն. ՄԱԿԱՐՅԱՆ

ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ _____ Մ. Ս. ԱԹՈՅԱՆ